

西南稀見叢書文獻

第二十五卷

# 中國西南文獻叢書

中國西南文獻叢書編輯委員會



中國西南文獻叢書·第二輯

西南稀見叢書文獻

第二十五卷



本輯主編：戴文年

陳訓明

陳琳

本卷目錄

|          |         |     |
|----------|---------|-----|
| 訓真書屋詩文存  | 〔清〕黃國瑾撰 | 一   |
| 西笑山房詩鈔   | 〔清〕于鐘岳撰 | 三〇五 |
| 黔南集      | 〔清〕于鐘岳撰 | 三〇九 |
| 正安集      | 〔清〕于鐘岳撰 | 三六三 |
| 西笑山房詩鈔搜逸 | 〔清〕于鐘岳撰 | 四一一 |
| 于鐘岳別傳    | 〔清〕邢端撰  | 四二一 |
| 伯英遺稿     | 〔清〕于鐘岳撰 | 四九五 |

【清】黃國瑾 撰

# 訓真書屋詩文存

訓真書屋遺稿

黔南叢書別集之一

民國三十二年 初夏  
紫江朱氏存素堂刊



叙

黃再同侍講丈歿於光緒辛卯及今五十三年矣先是遺孤嘗輯刊訓真書屋詩存二卷於長沙刊成未及印行而遭多難世無知者訪求歷歲始於燕市購得一本驗其校改筆迹知出其女夫蘇厚龕郵部手又末葉有增補一首則其孤本甫孝廉所錄也意即本甫篋衍流落市上者裔緒凋零不堪重問每念表章吾黔文獻是余宿昔私願况託肺附其敢愬然然據國史傳稱著訓真書屋集八卷則當日寫定之遺著必不止此未得完璧猶不能無憾則姑少待終冀延津之復合也去年上海葉君揆初書來忽以收得訓真書屋雜稿四冊見告爲之狂喜急屬

其錄副見示見眉端有識語似出繆藝風手詢其蹤跡所自則常熟瞿君所藏也揣其初必從手稿輯錄而成或本未成篇或幾經竄改展轉迢錄深費爬梳乃屬表弟瞿君兌之任校勘之役稍去其枝蔓而疑者闕焉與詩存合爲一編署曰訓真書屋遺稿經始於壬午之冬越半歲而蕝事排印舛繆仍所不免然釐然可讀矣嗟夫人間何世陵谷無常而數卷叢殘猶得不淪澌滅得非鬼神呵護光采不終閼而苦心卒得償邪余與兌之砑砑一編相與賞析流離暮齒居然宿願不虛彌念母黨諸親半成隔世今日得從事於斯有如王仲瞿之於舒銖雲慨歎何極癸未暮春朱啓鈴敬識時年七十有二



國史孝友本傳

黃國瑾<sup>貴</sup>貴州筑人祖籍湖南醴陵祖輔辰父彭年均在循吏傳

國瑾至性過人十四歲喪母哀毀骨立得鼻衄疾終身不差十八歲隨父彭年侍其祖疾衣不解帶兄弟凡四人憫其三弟早逝無後先後以子章成潤成嗣之連殤常戚然於懷及其季弟得子靖成遂以繼之憂始釋國瑾光緒二年進士改翰林院庶吉士散館授編修充本衙門撰文 國史館纂修會典館總纂時會典館初開國瑾與在館諸人審定體例內而各衙門典章規則外而各直省案卷章程篇牘繁夥披檢無少懈先是會典分典圖例三門己丑秋國瑾以典例均有規模惟舊圖較略商

於總裁奏請開辦畫圖 詔如所請兼充繪圖總纂官條上界  
畫新圖測繪事宜通行各省館中嘗招考畫圖謄錄生國瑾擬  
題自圓象方輿以迄禮制樂律凡百餘道父彭年任江蘇布政  
使猝病風國瑾倉皇馳赴在途旬餘目不交睫齒墮其五彭年  
病尋愈促國瑾還京十六年彭年卒聞信一慟嘔血幾絕奔喪  
至湖北憑棺慟哭絕而復蘇疾遂篤竟卒於苦次距見喪僅六  
日也直隸總督李鴻章湖廣總督張之洞巡撫譚繼洵以國瑾  
孝行可風疏請宣付史館編入孝友列傳奉 俞旨國瑾嗜學  
著有夏小正集解一卷段氏說文假借釋例二卷離騷草木疏  
纂一卷訓真書屋集八卷又留心時務俄人伊犁之議法人越

南之戰再上條陳平居輒考究中外交涉諸事初國瑾主講天津問津書院推其父彭年蓮池書院之教以古學課諸生創北學海堂手定規條示諸生以研經考古之法人文彬彬稱盛其卒也士林尤惜之



於禮部奏請開辦書局。如所請兼充編纂總纂官等事。  
查新圖繪輿事宜通行各省館中實招者悉照舊章辦理。  
國自圖書方典以迄禮制樂律凡百餘道父兄年任江蘇省  
便梓病風國運倉皇馳赴在途旬餘日不交睫曾覽其五  
病尋愈促回國理還京十六年彭年奉聞恒一憤極而歿終  
至湖北巡撫劉坤一絕而復蘇疾遂篤竟卒於苦次陸見  
卒此有種氏補之稱章勳廣總督里之洞巡撫譚鍾麟均  
學軒堂主云公既辭不領不問國難與否古為有人矣

訓真書屋詩存

貴筑黃國瑾再同

後燕造像歌

文曰燕元年甲申夏四月癸丑朔佛弟子武容爲亡子元義等造像兩區劉用伯贈予云與君子專同得於河

間肅寧家君考爲慕容垂時物命國瑾賦之

金身夜耀天王宮東土傳摹爭鑄空三槐九棘恃功德見世元

世思感通偏始莫考復彌盛范金鐫瓊晉宋中此石是否定光

石一龕二佛冠袈同彌勒釋伽貌不辨左者持鉢右袒胸制作

洛鄉始平前金石萃編所列造像皆在此後蓮臺弟子刊武容像主碌碌史無證

阿六創業稽闕逢憶自三擲開五木遼桑春光分紫濛幽州一

諫降不坑常山坐鎮基隆崇饑鷹出獵附文玉執手磊落俱梟

雄景略陰謀佩刀解何似亞父治沛公英物合假風雲力爲虎  
傅翼寧癡聾鄴城改元六十日廣阿魏郡爭輸忠撫軍將軍尙  
黃口揮戈遽登中山峰冀州城邑失復有甚子止餓民願從刻  
字年號已廢秦可知響應趨如風安危詎關囊底智運紀一紀  
星剛終垂薨在建興十一年四月癸未口城黃霧哭將士馬輿皓首飛唾紅儲君  
文弱指掣肘操兵牆內還相攻威遠雌雄劍沈水片石翻類銅  
狄銅獻玉令辟口去世河間先兆追遺蹤後燕河間王熙以燕二年生夢中明  
月方孕魄束稿猶依禿頭翁甘露景雲在何許瞬息浩劫還蒼  
穹摩挲試作朗曇看興亡盡在雙僧瞳

出都寄湘翹三弟



扶桑景未上大海騰鯨鯢蜃氣結雲表觀者多昏迷龍泉鳴匣

中利如分水犀乘時自跳躍光彩生虹霓誓當斬妖魅壯士誰

提携

湘翹幼有攬轡之感聞時事輒憤怒

阿閣鳳皇鳴瑞應星雲賡光彩自珍惜振翼歸湘衡

家大人上書言事得優詔

乞假南歸湘翹隨待

燕雀互啁唧難與言同聲在陰有鶴雛六翮猶未成

何時假毛羽一舉追鵬程桐花三萬里長嘯寰宇傾

美人居南國端好自矜持俗世重婉變悠悠衆口疵駕言游都

肆青眼知爲誰去矣復何語素衣幸未緇

湘翹性剛方每爲人忤意頗鬱鬱故以此寬之

用劉公幹贈五官中郎將元均送彭端懷妹丈之官滇中

四首

春夏倏推斥君行辭故鄉  
羈泊吾胡侶不得同翱翔  
相顧畏言別淚墮襟裾  
涼白日映江水黯澹流無光  
維繫陳欸素祖餞還升堂  
丈夫各有趨後會如何方盡情  
且豪飲解憂惟杜康毋爲挂帆去惆悵波中央

我從西北來淹滯長江濱  
同懷嬰痼疾顛眩今十旬  
寸心殊恟忪恤慰無他人  
感子姻親意愛我同一身  
對語竟晨夕切慫慂實已勤  
下榻恆過宿卜宅欣爲鄰  
冥鴻具六翮安得常風塵  
乘時各遠引萬里從茲分  
茫茫勃海浪悠悠邵甸春  
馬牛風不及共

信惟斯文古道猶未墜  
當期席上珍

時將隨侍爲  
津門之游

曩聞傳露布披覽激長歎  
鯨變昆明池久怪登天翰  
孰充宣慰

使虜志胡遽寒諸將幸多福垂手收重關前車覆可鑒後事心  
宜殫一麾今獨往遭際知良難君子澤當保勉爲黎庶歡  
沿江盡殘壘寒濤霜皚皚燭火暫時熄幸復瞻陽輝擇居隔洞  
庭老者咸安歸蝸角擾蠻觸鳴鶴仍東飛鷓鴣巢更近扶搖翼  
莫追

贈彭仁懷

春雨滋桐孫歷歷重蔭下連枝挺秀姿秉性咸韶雅嗟爾良琴  
材毋恤知音寡嶧陽貢何日暫復儕檣檣靈根蔚山澤造物庸  
輕舍名工會來擇鍊精須在野  
邂逅鵠嶺前意氣互倜儻蘭茝契同心蓬蒿結真賞矧以兄弟